

# Auseus de sason

La 'reir-sason, qu'és una periòda ente se crosen auseus que parten e auseus que 'riben. En Lemosin l'i a daus auseus vertadiers, 'quilhs qu'an de las plumas, que passen dins lo ciau per 'nar pus luenh o que demoren l'ivern coma nautres ; mas l'i a tanben de rudes auseus e 'queus-quí poden pas s'envolar ! Quò sirá l'enchainon de citar quauques proverbis ornithologics.

De las gruas dins lo ciau lemosin. © Taboury Franck LPO Lemosin.

Quò despend de las annadas, mas las gruas passen per lo Lemosin entre la fin dau mes de setembre e lo mes de decembre. Ujan comencarem de ne'n veire lo 10 dau mes passat. Qu'és la meteo, lo vent e las temperaturas que comanden lor despart dau denaut de l'Europa en direccion dau sud de l'Espanha per la majoritat de las gruas que vesem. Los vielhs disian que quauques jorns apres lo prumier passatge de las gruas, lo freg davalava, qu'anunciava l'ivern : "Quand la grua davala, mena lo freg jos l'ala". 'Chabat lo temps daus potirons, veiqui venir la sason de desraïjar las cardalhas.

## Coá roja, senzilha, parpalh roge...

Los ramiers coma las gruas passen dins lo ciau dau Lemosin, mas d'autres auseus demoren per l'ivern coma nautres. A la campanha, dins los estables, las coas rojas prenen la plaça de las irondelas (partidas dempuei la fin dau mes d'aust devers lo continent african). Suvent, s'aisinen dins lors qites nius, en iò 'dobar un pauc, quò fach es pus de far.

Lo senilh daus vernhes, qu'és un petit auseu que fai pas de bruch a la bela cima de 'quilhs aubres, dins las coas d'estanh. A Limòtges, n'um pòt ne'n veire lo long de Vinhana, per

exemple. Los estanhs dau Lemosin serven maitot de gardaminjar au grand còrb marin. Coma se, n'um tròba lo gamon blanc que faguet son apareguda i a quauquas annadas. "L'evolucion dau climat, de las practicas agricòlas en Euròpa e de lor populacion fan que n'um pòt veire 'quela enja de jau peschaire quitament sus tots los estanhs de la region" se ditz lo Franck Taboury, charjat d'estudis e animator natura a la liga per la proteccion daus auseus en Lemosin.

Un autre passerau, plan conegut en Lemosin, qu'és lo parpalh roge. D'autres lo 'pelen la rinsa, la roia o la visa-chiar. Dins lo temps, quand pausavatz malinas dins lo coderc, l'auseu era 'quí per te visar. I a un conte que ditz que la marca roja sur son parpalh ven d'una gota de sang dau Criste. Gota que l'i tombet dessus quand lo visava sus la crotz, quò ne'n fai un auseu un pauc misterios.

[www.limousin-lpo.fr](http://www.limousin-lpo.fr)

## Veiqui de rudes auseus !

Exista bassetz de proverbis o de dices a l'entorn daus auseus, ne'n veiqui quauqu'uns : "Qui a testa de lauveta, a pas mestier de boneta", per parlar de quauqu'un qu'a una testa ren mas uflada de vent. "Los merles van pas cantar coma las grivas", per designar una situacion de conflict.

Los auseus an inspirat bon nombre d'autors lemosins, qu'és lo cas dau poeta Joan-Glaudi Rolet (que fuguet professor d'occitan a la facultat de las letras de Limòtges). Demorava a Sent-German, dins lo sud dau departament de la Viena Nauta. Vos perpause un bocin d'un poema dau Joan-Glaudi, tirat de son libre *Auseus* paregut au mes mòrt de 2006 : "Auseu estabiat Quò es aquí que chau rire. Quò es lo moment de uchar mai de far petar l'artelh. Eu vos 'viesa sens vos veire en sa facia de plena luna. D'alhors a l'aer de ne'n tombar. Es 'plantat coma un cabas, lo còu remueda a penas, los uelhs fijats. Es a badar lo bec de jorn coma de nuech.

Balha-li lo bonjorn, balha-li un còp de pè : auva pas, vei ren, s'enraija. [...]. L'auseu estabiat, as màs de lo laisser tranquille, coma l'asne d'a Lemòtges. Se butirà be tot sole".

# Oiseaux de sason

L'automne est la saison où se croisent les oiseaux qui nous quittent et les oiseaux qui arrivent. En Limousin il y a de véritables oiseaux, ceux qui ont des plumes, qui passent dans le ciel pour aller plus loin ou qui restent pour l'hiver en notre compagnie : mais il y a aussi de drôles d'oiseaux et ceux-ci ne volent pas ! Ce sera l'occasion de citer quelques proverbes ornithologiques

Des grues dans le ciel limousin. © TABOURY Franck LPO Limousin.

En fonction des années, les grues passent par le Limousin entre la fin du mois de septembre et le mois de décembre. Cette année, on a pu en apercevoir dès le 10 octobre. Ce sont la météo, le vent et les températures qui provoquent leur départ du nord de l'Europe en direction du sud de l'Espagne pour la plupart des grues que nous voyons. Les anciens disaient que quelques jours après le premier passage des grues, il y avait une morsure de l'hiver, une baisse de température annonçant le changement de saison : "Lorsque les grues descendent, elles amènent le froid sous leur aile". Finie la saison des champignons, voici venu le temps d'arracher les topinambours.

## Rouge queue, mésange, rouge gorge...

Au même titre que les "grues", les "pigeons ramiers" empruntent le ciel limousin, mais d'autres oiseaux s'arrêtent chez nous pour passer l'hiver. À la campagne, dans les étables, les "rouges-queues" remplacent les "hirondelles" (parties depuis la fin du mois d'août pour le continent africain). Souvent, ils s'installent même dans leurs nids, en les aménageant un peu, le travail fait n'étant plus à faire.

Le "tarin des aulnes", c'est un petit oiseau plutôt discret qui occupe le sommet des aulnes dans les queues

d'étang. À Limoges, nous pouvons en observer sur les bords de Vienne par exemple. Les étangs du Limousin servent également de garde-manger pour les "grands cormorans". Avec lui, la "grande aigrette" fait son apparition depuis quelques années. "L'évolution du climat, des pratiques agricoles en Europe et de leurs populations font que nous pouvons maintenant observer cette espèce de "héron" sur presque tous les étangs de la région" constate Franck Taboury, chargé d'études et animateur nature au sein de la Ligue de Protection des Oiseaux du Limousin.

Un autre passereau bien connu en Limousin, c'est le rouge-gorge. Certains le surnomment "visa-chiar" qui littéralement veut dire "regarde-chier". Il faut dire que dans une époque pas si lointaine lorsque vous souhaitiez satisfaire un besoin naturel en extérieur, l'oiseau vous observait. Une légende raconte que la marque rouge sur son cou provient d'une goutte de sang du Christ qui lui serait tombée dessus lorsqu'il le regardait sur la croix, cela en fait un oiseau empreint de mystère.

[www.limousin-lpo.fr](http://www.limousin-lpo.fr)

## En voilà de beaux oiseaux !

Il existe un grand nombre de proverbes ou dictons autour des oiseaux, en voici quelques-uns : "Qui a tête d'alouette (de linotte), n'a pas besoin de bonnet", c'est une façon de parler de quelqu'un qui n'a pas beaucoup d'esprit. "Les merles ne vont pas chanter avec les grives", désigne une situation conflictuelle.

Les oiseaux ont inspiré de nombreux auteurs limousins, c'est le cas du poète Jean-Claude Roulet (qui enseigne l'occitan à la faculté des lettres de Limoges). Il vivait à Saint-Germain-les-Belles dans le sud de la Haute-Vienne. Voici un extrait d'un poème de Jean-Claude, tiré de son livre "Auseus", paru en novembre 2006 : "Oiseau badaud C'est ici qu'il faut rire. C'est le moment de crier de joie et de frapper du pied. Il vous regarde sans vous voir de sa face de pleine lune. D'ailleurs il a l'air d'en tomber. Il est planté comme un cabas, le cou remue à peine, les yeux figés. Il a la bouche ouverte de jour comme de nuit.

Donne-lui le bonjour, donne-lui un coup de pied : il n'entend pas, il ne voit rien, il prend racine. [...] L'oiseau badaud, tu n'as qu'à le laisser tranquille, comme l'âne de Limoges. Il se poussera bien tout seul."